



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՎՆԵՐՈՒ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԱՌԱՋՆՈՐԴ ՍՐԲԱՉԱՆԸ ԸՆԴՈՒՆԵՑ ԱՐՑԱԽԻ ՆԱԽԿԻՆ ՆԱԽԱԳԱՅ ԱՐԿԱԴԻ ՂՈՒԿԱՍԵԱՆԻ ԱՅՑԵԼՈՒԹԻՒՆԸ

Հինգշաբթի, 5 Նոյեմբերի յետմիջօրէին Ազգային Առաջնորդարան այցելեց Արցախի նախկին նախագահ Արկադի Ղուկասեան եւ ընդունուեցաւ Թեմիս բարեխնամ Առաջնորդ Սրբազան Հօր կողմէ: Անոր կ'ընկերանային «Հայաստան» Հիմնադրամի Լոս Անճելըսի խորհուրդի ատենապետ Տիար Արա Ակիշեան եւ պատասխանատուներէն Տիար Սարգիս Գոթանճեան: Առաջնորդ Սրբազանին կողքին, հիւրընկալման մասնակցեցան Հոգշ. Տ. Պարթեւ Վրդ. Կիլիւմեան, Արժ. Տ. Արտակ Քիւյ. Տեմիրճեան, Մեծի Տանն Կիլիկիոյ Կաթողիկոսութեան Ազգ. Կեդրոնական Վարչութեան անդամներէն Տիար Վահէ Եագուպեան, Ազգային Վարչութեան անդամներէն Տեարք Սիեր Տեր Յովհաննէսեան, Տոքթ. Նաւասարդ Գազազեան եւ Խաչիկ Երեցեան, ինչպէս նաեւ Ազգ. Վարժարաններու Խնամակալ Մարմինի անդամներէն Տիկին Մակի Սարգուհի:

Արկադի Ղուկասեան Լոս Անճելըս ժամանած է, մասնակցութիւն բերելու Թելեթօնի նախապատրաստական աշխատանքներուն: Ան փոխ նախագահին է Հիմնադրամի Կեդրոնական Հոգաբարձու Մարմինին: Ծանօթ է որ Թելեթօնը տեղի պիտի ունենայ Հինգշաբթի, 26 Նոյեմբերին, Գոհաբանութեան Տօնին օրը:

Առաջնորդ Սրբազանը ողջունեց յարգելի հիւրը, որ առաջին անգամ ըլլալով Ազգ. Առաջնորդարան կ'այցելէր շէնքի վերակառուցման ծրագիրին ամբողջացումէն ետք: Խորհրդակցութիւնները կեդրոնացան թելեթօնը յաջողութեամբ պսակելու եւ հայրենի Շուշին նեցուկ կանգնելու միջոցներուն վրայ: Ընդգծուեցաւ, որ Շուշին, սոսկական քաղաք մը ըլլալու կողքին, նաեւ զգեցած է խորհրդանիշի հանգամանք, եւ մեր ժողովուրդը վստահաբար իր աջակցութիւնը պիտի տրամադրէ անոր վերականգնումի ու բարգաւաճման գործին: Առաջնորդ Սրբազանը ընդգծեց, որ մեր Թեմը զօրավիգ է «Հայաստան» Հիմնադրամի այս ու նմանօրինակ նախաձեռնութիւններուն եւ մեր եկեղեցիներն ու ազգային վարժարանները պիտի ընդառաջեն հանգանակային արշաւին:

Հրաժեշտի պահուն, Առաջնորդ Սրբազանը յարգելի հիւրին յանձնեց Ազգ. Առաջնորդարանը խորհրդանշող յուշանուէր մը:

PRELATE WELCOMES FORMER PRESIDENT OF NKR H.E. ARKADY GHOUKASIAN

On the afternoon of Thursday, November 5th, 2009, H.E. Archbishop Moushegh Mardirossian, Prelate, welcomed to the Prelacy former President of the Nagorno-Karabakh Republic H.E. Arkady Ghoukasian, who was accompanied by Armenia Fund Chair Mr. Ara Agishian and Public Relations Director Mr. Sarkis Kotanjian. Joining the Prelate were VeryRev. Fr. Barthev Gulumian, Rev. Fr. Ardak Demirjian, Central Executive member Mr. Vahe Yacoubian, Executive Council members Mr. Meher Der Ohanessian, Dr. Navasart Kazazian, and Mr. Khatchig Yeretjian, as well as Board of Regents member Mrs. Maggie Sarkuni.

The former President, who is Vice-President of the "Hayastan" All-Armenian Fund Board of Trustees, is currently in Los Angeles ahead of the Telethon which will air on Thanksgiving Day, Thursday, November 26th.

The discussion centered on preparations for the Telethon and means of garnering support for the rebuilding of Shushi, which this year's proceeds will be allocated towards. The Prelate assured H.E. that the Prelacy remains a staunch supporter of Armenia Fund and that our churches and schools will lend their support by contributing to the Telethon.

The meeting came to a close with the presentation of a memento by the Prelate to President Ghoukasian.